

BE.133. O TONDI NA MANGGOHI ROHA (C=1)

=====

B.E. No. 133. O TONDI NA MANGGOHI ROHA

1. O Tondi na manggohi roha Ni panindangi na parjolo i
Na so dung olo marnaloja Mangalo musu ni Tuhanna i
Sungguli dohot rohanami on Mamaritahon Jesus i tongtong
2. Anggiat apiMi ma galak Marlojong tu saluhut bangso i
Jahowa sai paborhat halak Na burju mangkatahon hataMi
Sai tatap lambas ni gotilon i Ianggo naposoM otik do i
3. AnakMu do na mangajarhon Tu hami hata pangidoan i
Torop do na mangkaringgashon Mangaradoti na nidokNa i
Dibahen i tangihon nama i Sai dok ma Amen saut ma hata i
4. Antong torop ma baen pandita Na sai tongtong digohi TondiMi
Huhut na ringgas marjamita Manogu halak tu gomgomanMi
Taluhon ma sibolis i tongtong Pararat ma hataM di tano on.
5. Urupi hami sian Sion Sai suru Tondi Parbadia i
Lao paluahon hajolmaon Hombar tu na pinarbagahonMi
Sondangi ma sandok portibi on Pasiat ma hataM di tano on.
6. Sai loas ma hatop mardalan HataM, manggohi liat tano on
Naeng songon na marhabanhaban Parbegu masuk tu huriaMon
Sungguli dohot Israel sude Ro mandapothon huriaM sude.
7. Pauli Sion na marumpak Padao na tau mangambat hataMi
O Tondi, ro ma Ho manumpak Ulaon ni sude naposoMi
Tongtong paiaas porlak anggurMi Ai naeng ramos do parbuena i.
8. Sai tatap nasa parguruan Inganan ni TondiM ma baen sude
Lopokkon hata hangoluan Tu roha ni parguru i sude
Sai lehon guru angka na burju Parroha pangondian situtu.